



Inatsisartunut ilaasortaq  
Hartmann Heilmann, Naleraq

**§ 37 naapertorlugu Upernavimmi kussiniliornissaq pillugu apeqqummut nr. 251-2024-mut akissut**

Asasara Hartmann Heilmann

Inatsisartut suleriaasianni § 37 imm. 1 naapertorlugu, Upernavimmi kussiniliornissaq pillugu Naalakkersuisunut apeqquteqaateqarputit.

Apeqqutit uannit akisassanngorlugit innersuunneqarput.

**Apeqqut 1.**

**Upernavimmi aqquserngit kussineqanngitsut kussinilersorneqassappat?**

**Akissut**

Illoqarfinni ataasiakkaani aqquserniornissat aamma kuuffilersuinissat kommunimit akisussaaffigineqarput, tamannalu isumaqarpoq Upernavimmi kussinilersuinissamut tunngasut Avannaata Kommunanit aalajangiunneqassapput. Taamaammat Avannaata Kommunanit apeqquteqarnissaq innersuunneqarpoq.

**Apeqqut 2.**

**Upernavimmi illut pisortanit illuutigineqartut aqqusernermut kuutsitsisarput illumiit avammut imermik kuutsitillutik, tamakkua iluarsineqarnissaannik pilersaaruteqartoqarpa?**

**Akissut**

Pisortanit illuutigineqartut imermik errortuivikumik kuuffinnik qularnaarnissaannik pisussaatinneqarput najukkami periarfissat malittaralugit, aamma kommunit malittarisassaasat malittaralugit. Kommunit "Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat" malittarisassaqarput aamma matumani imermik errortuivikumik eqqaanermut suliaqartoqarnissaanut atatillugu allannguisoqarnissaannik pilersaaruteqartoqanngilaq.

Inussiarnersumik inuulluaqqusillunga

Kalistat Lund

Allakkap ullua: 10-01-2025  
Suliap normua: 2024 - 1126  
Allagaatip ilisarnaataa:  
24923707

Postboks 1614  
3900 Nuuk  
Oqa.: (+299) 34 50 00  
Fax: (+299) 34 54 10  
E-mail: pan@nanaoq.gl  
www.naalakkersuisut.gl



19.12.2024

Inatsisartut suleriaasianni § 37 imm. 1 naapertorlugu, Naalakkersuisunut apeqqutit matumuuna allakkatigut saqqummiunneqarput.

**Naalakkersuisunut apeqqutit:**

1. Upernavimmi aqquserngit kussineqanngistut kussinilersorneqassappat?
2. Upernavimmi illut pisortanit illuutigineqartut aqqusinermut kuutsitsisarput illumiit avammut imermik kuutsitillutik, tamakkua iluarsineqarnissaannik pilersaaruteqartoqarpa?

**(Inatsisartuni ilaasortaq Hartmann Heilmann, Naleraq)**

**Tungavilersuut:**

Aqqusineq inuiaqatigiit akilersugarivarput, Upernavimmi kussineqanngilaq aqquserniortoqaraangamilu kussineq ilaatinneqanngisaannarluni aallaqqaataaniit, taamaattumillu aqqusineq nunap uinganermi upernaakkut aput aakkiartortillugu kiisalu aasami siallertallillugu kuuffiusarpoq Upernavimmi illut aqqusinermut kuuffimmittut atuinerisa saniatigut.

Tassa Upernavimmi illut imeq eqqagaat soorlu errorsilluni uffarluni allatigullu imeq illup iluani atorpeqarsimasoq illumiit avammut eqqagaavoq imerlu taanna aqqusiniinnarmut kuuttuulluni, aasakkut isigiuminarnerusarpoq ukiukkut qerisaramik isigiuminaattaqaat.

Upernaakkut nuna aaleraangat illuniit imeq eqqarneqarnikuusoq najuussugarilertarparput tamannalu timimut peqqinnangittuuvoq.